

www.BibleForChildren.org


San Mateo 8



Hane xi cavatju jyan nixtin ne, camá ngu cjuavixan ngajan Caná, distritu Galilea. Naa rë Jesús ne, ngajan quitahá me ndava suhi. Hacuaha Jesús cojo xuta ladu rë me ne, hacuaha camá me invitar xi cjue me ndava suhi, hane quiji me.



Hya xi camá ne, cafë xan xi tsëhë suhi jan. Sehe ngajan xi naa rë Jesús ne, cuitjin cachja me cojo Jesús: —Ha quihndë tsajin rë me xan nguehe.
—Cuatjin cachja me. Ngajan xi naa rë Jesús ne, cuitjin cachja me cojo cha xi vincha xan jan:
—Tu mé ni xi cuichja cha cojo nuju ne, cuatjin nihñu.
—Cuatjin cachja naa rë Jesús.



Ngajan xi cachja Jesús cojo cha xi vincha
xan cuitjin: —Ninguitsun rë tiji xi cuacun
vë cojo nandá. —Cuatjin cachja me.

Ngajan xi cha xi cuacun jan ne,
catsinguitsë camahani rë cha tiji
jan cojo nandá.



Hya xi camá ne, sehe cachja nga Jesús
cuitjin cojo cha: —Quihndë ne, chjuhun
hitsë xi cavinchun tiji vë ne, tángun chanu
rë xutacha. —Cuatjin cachja me. Hane
cuatjin casahmi cha xi cuacun jan.



Hya xi camá ne, cavutaha xutacha jan nandá xi camá
xan jan. Me vëhë ne, hisca hvíin me jani canduva xan
jan, peru cha xi vincha
xan xi cafaha quijicojo
jan ne, vëë cha.



Ngajan xi xutacha jan ne, cajindaya me cha xutavixan
jan ne, sehe cachja me cojo cha cuitjin: —Xcusun naja
ne, titjun xan xi ndajyihi
taan hvi xuta, hane ha
xcun xi ha cjin cahvi me
ne, sehe taan re me xan
xi ha va jyihi. Peru
ngaye ne, hisca
ndicumaha ni
titehe xan xi
ndajyihi. —Cuatjin
cachja xutacha
jan.



Cjuarcun xi tjun tjun casahmi Jesús vë ne, casahmi
me ngajan Caná, distritu Galilea.



Cuatjin catsingacun me xi
jemu jyë hnga me cojo
hasen rë me. Hane xuta
ladu rë me ne, camangu
cacun me cojo rë me.




Hya xi cama ne, cavisehen Jesús ndava Pedru ne,
hane cavëë me xi jiñahmu nahya rë Pedru cojo
chíhin suë.



Ngajan xi cavetahatsja Jesús tsja na, hane ngutjen cavetjuxin chíhin jan tséhë na. Hane hora vëhë ni ne, cavisatjenhnga na hisca cama cafachacuenda na me.



Hane xi cavetje tsuhi ne, jemu cjín xuta quijicojo me
xuta hmu rë hiscan tacun Jesús, hacuaha cojo me xi
hincha xitsehen
xahasen rë,
camatangun me cojo
xuta nandya ngajan
tingotjo ndihya.



Hane jemu cjín xuta hmu rë camandaja me xi casahmi
Jesús, xuta xi má rë me tu mé ni chíhin xi má rë xuta.
Hacuaha jemu cjín xitsehen cavaxëxin me tsëhë
xahasen rë xuta. Hane casuaain me cahndë xi cachja
xitsehen ta tsëhë xi ha vëë rë me. Hane ngutjen
cuichja ta me vëhë xi catsingatju Nina me.



Yëjë ni xutacjín jan ne, cavanguise me chuva rë xi
satëtsja me Jesús ta, tsëhë xi Jesús ne, jemu tjin rë
me ngahñu rë Nina, hane ngahñu vëhë tisahmi xi
mandaja xu yëjë
xuta hmu rë.



Ngajan xi canduva ñuju cha hiscan tacun Jesús,
yahahnga cha ngu cha xi cahme yojo rë.



Hane xi maji ficojo cha cha hisca
hiscan tacun Jesús, tséhë xi jemu
quitsë xuta ne, cavuxaha cha rcu
ndihya quixi rë hiscan tacun me.
Sehe ngajan catsingusehen
cha cha hmu rë jan
cojo ni nachan
xi quisun cha.



Hya xi cavëë Jesús hacutjin xi macjain
rë cha me ne, sehe cachja
me cojo cha hmu rë jan ta:


—Jyë riji tsan
ne, ha camanchataha.

—Cuatjin cachja me.


—Tisatjinhngue
tsan. Chjaye nijña
riji ne, tjihin ndya
riji. —Cuatjin
cachja me.




Hya xi camá ne, cavisehen Jesús cahntsua ngu barcu hane ngajan quiji tjengui rë me xuta ladu rë me. Hora xi cjui barcu jan ne, canduva ngu tjohñu xi cavanga xcun laguna jan, hane hisca meje tsa rë barcu jan cojo tsindyu rë nandan xi satë rë jan. Peru hora vëhë Jesús ne, jiñafë me.



Hane cachja Jesús cuitjin: —¿Mé má cuatjin jemu rcun ngayun, ngayun xi cjëë cumangutacún cojo ná? Hya xi cachja me cuatjin ne, cavisatjenhnga me cavatëcja me ngahñu rë tjo jan cojo tsindyu rë nandan jan, hane jingujyë ni jan ne, cavejñajyuu. Hya xi camá ne, xuta jan ne, jercu quijircun rë me hane cachja me cuitjin: —¿Yo xuta




me vihi xi hisca tjo hisca tsindyu rë nandan vihndë tsëhë me?



Tsëhë xi jemu catsihmu cacun Nina
xuta ne, hisca casua me Quihndi ngu
rë me, cojo sa xi yëjë ni xuta xi
cumangu cacun me cojo me vëhë
ne, hacuiin cjue hasen rë me
xcun cjuañihi ta sacú rë
me cjuahñu xatsë
xcun Nina.



40



60



Romanos 3:23

Yëjë ni xuta ne, sahmi me cjuatsehen, hacuaha chaja camaha sa xi cuechutaha me sacuatjin jyë hnga Nina cojo Hasen rë me.

Romanos 6:23

Sacuaha chjí xi sacu naja tsëhë cjuatsehen ne, hacui cjuaveya. Peru cjuandaja xi Nina sua naja me, tu cjuatjo ni sacu naja hya xi tjin tangun cjuatacun naja cojo Nai naja Jesucristu. Hane sacu naja cjuahñu xatsë.

Hebreos 9:27

Ngayejen ni ne, hatuxa ngu ndiya ni cueyan. Ngaxtun vëhë ne, sehe tsichuva naja Nina cojo cjuatacun naja.



Ephesians 2:8,9

Cuatjin jan ne, cjuani jyë tacun rë Nina ne, vëhë casahmi xi cavaxëtje nuju me tsëhë jyë nuju hya xi camacjain nuju ta, hacuiin suvun cavinchunsun chuya rë xi cavetjuntjun ta tsëhë xi Nina ne, tu cuatjo ni casua nuju me cahndë. Hacuiin tsëhë xi canihñu suvun xi jemu ndaja xi cavéchuntuhun xcusun vë ne, ngatsë rë vëhë ne, hisca ngu xuta cumaji sahmi jyë me yojo rë me.

Romanos 10:9,10

Sa xi ninguixun cojo ntsuvun xi Jesucristu ne, Nina me, Nai nuju me, hacuaha sa xi cojo xahasen nuju macjain nuju xi catsicuya Nina Jesucristu cjuahñu ne, cuëtjuntjun tsëhë jyë nuju. Cuatjin cuma ta, tsëhë xi macjain naja cojo xahasen naja, sehe tsicjë Nina jyë naja, hacuaha ninguixen cojo ntsuvan hacutjin macjain naja, sehe cuaxëtje naja Nina.



San Juan 3:16,17

—Tsëhë xi jemu catsihmu cacun Nina xuta ne, hisca casua me Quihndi ngu rë me, cojo sa xi yëjë ni xuta xi cumangu cacun me cojo me vëhë ne, hacuiin cjue hasen rë me xcun cjuañihi ta sacú rë me cjuahñu xatsë xcun Nina. Nina ne, catsingatju me Quihndi rë me nguehe ngasunhndë, peru hacuiin xi cjuahachuva rë xuta ngasunhndë ta xi cuaxëtje rë xuta.

1 Juan 5:11-13

Hane Nina ne, cachja cjuahñu xatsë jan ngatsë rë Quihndi rë me. Xuta xi tjin tangun cjuatacun rë me cojo Quihndi jan ne, tjin rë me cjuahñu xatsë vëhë. Peru xuta xi tsajin tjin tangun cjuatacun rë me cojo Quihndi rë Nina jan ne, hacuaha tsajin rë me cjuahñu xatsë jan. Vëhë xi cuitjin titsihindu nuju ngayujun ni xi macjain nuju tsëhë Quihndi rë Nina. Titsihindu nuju yëjë ni cju vihi, cojo sa xi cumangutacun ta quixi xi tjin jain nuju ngu cjuahñu xatsë xi tsajin nu tsajin nixtin xi cjuë.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Mazatec, Chiquihuitlán NT (maq) © 1991, Wycliffe Bible
Translators, Inc. All rights reserved.

<https://live.bible.is/bible/MAQTBL/MAT/1>

©2026 Bible for Children, Inc.

www.M1914.org

www.bibleforchildren.org

